

陝西通志

第五
卷五
冊五

陝西通志第五十五卷

人物一

俊又德造王國挺生河流曲瀉
仙掌高擎鬱爲奇傑萃於羣英載
道經術名世公卿四維張舉六
行昭明內逮壺範亦秉淑貞方外
遊藝各詣粹精踰踰濟濟皇矣
西京作人物志第二十五

聖賢

上

倉帝史皇氏名頡姓倭岡

馮翊人
見姓譜

龍顏俊俊四目靈光上天作命爲

百王憲實有睿德生而能書及受河圖綠字於是窮天地之變仰

觀奎星圓曲之勢俯察龜文鳥羽山川掌指而勅文字以正君臣

之分以嚴父子之儀以肅尊卑之序法度以出禮樂以興刑法以

著爲政立教領事辨官一成不外於是天地之蘊盡矣

略

史倉頡造

書而天雨粟鬼夜哭

淮南子

黃帝

史倉頡見鳥獸蹏迒之迹知分

理之可相別異也初作書契蓋

以類象形故謂之文

說文序

今長安

西南二里宮張村有三會寺記

倉頡造書之堂

九域志

唐虞

堯黎民阻饑汝后稷播時百穀

尚書

思文后稷克配彼天立我烝民

一莫非爾極貽我來牟帝命率育

無此疆爾界陳常于時夏

詩周頌

周

后稷名棄其母有邰氏女曰姜

原姜原為帝嚳元妃姜原出野見

巨人迹心忻然說欲踐之踐之

而身動如孕者居期而生子以為

不祥棄之隘巷馬牛過者皆避

不踐徙置之林中適會山林多人

遷之而棄渠中冰上飛鳥以甘

異薦薦之姜原以為神遂收養之

初欲棄之因名曰棄

史記周本紀

為兒時好種樹禾黍桑麻五穀相

五土之宜青赤黃黑陵水高

稷稷黍米禾藻麥豆稻各得其理

堯遭洪水人民泛濫堯聘棄使教

三年餘行人無饑乏之色乃拜棄

氏后稷就國為諸侯卒子不窋立

山居隨地造區研營種之術

農師封之邵號為后稷姓姬

越秋

復

公劉克篤前烈

尚書武成

篤公劉于豳斯

理爰眾爰有夾其皇澗邈其過澗

涉渭為亂取厲取鍛止基迺

詩大雅

公劉

復修后稷之業務耕種行地宜自漆

水迺密芮鞠之即度渭取材行者有資居者

有蓄積民賴其慶百姓懷之多徙而

休歸焉周道之興自此始故

詩人樂歌思其德

史記周本紀

伊尹耕于有莘之野而樂堯舜之道焉

孟子○按路史陳留有莘城

虛呂氏春秋有恍之女采得嬰兒于

羊虛周語作莘城地記作莘

又書序葬伊尹于亳據此則伊尹似

伊尹耕處谿田馬氏謂邵陽

在今河西縣南二十里其夏陽村為

東境為有莘故址錢萬選莘退食

誠陳留非是而並以呂覽空桑伊水之說爲荒誕至元和志又云濟陰縣東南三十里爲古莘國伊摯耕處衆說參差未審是姑以備考

殷

太王肇基王迹

尚書武成

古公亶父來朝走

馬率西水滸至于岐下

詩大雅

天作高山太王荒之

詩周頌

古公復修

后稷公劉之業積德行義國

人皆戴之薰育攻之欲得財予之已復攻欲得地與民民皆怒欲

戰古公曰殺人父子而君之予不忍爲乃與私屬踰梁山止於岐

下幽人舉國扶老攜弱於是古公營城郭宮室而邑別居之作五

官有司民皆歌樂之頌其德古公長子泰伯次仲雍少季歷古公

卒季歷立是爲公季

史記周本紀

泰伯其可謂至德也已矣三以天下讓

民無得而稱焉

論語

泰伯仲雍

皆太王之子而季歷之兄也季歷賢而有聖子昌太王欲立季歷

以及昌於是泰伯仲雍二人乃薺荆蠻文身斷髮示不可用以避
季歷季歷果立是爲王季而昌爲文王泰伯之薺荆蠻自號勾吳
荆蠻義之從而歸之千餘家立爲吳泰伯泰伯無子弟仲雍立是
爲吳仲雍卒子季簡立史記吳世家泰伯仲雍知古公欲以國及昌古
公病二人託名採藥遂之荆蠻古公卒太伯仲雍赴喪畢還荆蠻
國民君而事之古公將卒令季歷讓國於太伯三讓不受故云三

以天下讓

吳越春秋

王季其勤王家

尚書武成

維此王季因心則友則友其兄則篤其慶載錫

之光受祿無喪奄有四方維此王季帝度其心貊其德音其德克

明克明克類克長克君王此大邦克順克比

詩周頌

公季修古公遺

道篤於行義諸侯順之公季卒子昌立是爲西伯

史記周本紀

文王克明德慎罰

尚書康誥

穆穆文王於緝熙敬止

詩大雅文王篇

雖雖在宮肅

肅在廟不顯亦臨無斃亦保

思齊篇

帝謂文王無然畔援無然歆羨

誕先登于岸帝謂文王予懷明德不大聲以色不長夏以革不識

不知順帝之則

皇矣篇

西伯曰文王遵后稷公劉之業則古公公季

之法篤仁敬老慈少禮下賢者士多歸之崇侯譖於紂紂囚西伯

於羑里閔天之徒求有莘氏美女驪戎之文馬有熊九駟他奇怪

物獻之紂乃赦西伯賜弓矢斧鉞使得征伐西伯獻洛西之地請

紂去炮烙之刑紂許之西伯陰行善諸侯皆來平決於是虞芮之

人有獄不能決乃如周入界耕者皆讓畔民俗皆讓長虞芮人慙

相謂曰吾所爭周人所恥何往爲俱讓而去諸侯聞之曰西伯蓋

受命之君明年伐犬戎明年伐密須明年敗耆國明年伐邶明年

伐崇侯虎而作豐邑自岐下而徙都豐明年西伯崩子發立西伯

即位五十年其囚羑里益易之八卦爲六十四卦謚爲文王

史記周本

周

周公師保萬民懷其德

尚書君陳

惟公德明光于上下勤施于四方旁

作穆穆迓衡

洛誥

周公旦者武王弟也自文王在時旦爲子孝篤仁

義于羣子及武王即位旦常輔翼武王用事居多武王九年東伐

至盟津周公輔行十一年伐紂至牧野周公佐武王作牧誓破殷

殺紂周公把大鉞召公把小鉞農社告紂之罪於天及殷民封紂

子武庚祿父使管叔傅之以續殷祀武王有疾不豫羣臣懼周公

乃自以爲費設三壇周公載璧秉圭告於太王王季文王卜曰吉

周公入賀藏其冊金縢匱中誠守者勿敢言明日武王有瘳其後

武王崩成王少周公恐天下聞武王崩而畔乃踐祚代成王攝行

政當國管叔及其羣弟流言於國曰公將不利於成王周公卒相

成王而使其子伯禽就封於魯管蔡武庚等果率淮夷而反周公
乃奉命興師東伐作大誥遂誅管叔殺武庚放蔡叔收殷餘民以
封康叔於衛封微子於宋以奉殷祀寧淮夷東土二年畢定諸侯
咸服宗周成王七年周公往營雒邑卜居焉曰吉遂國之成王長
能聽政周公乃還政成王北而就臣位躬躬如畏然初成王少時
病周公自撙其蚤沉之河以祝於神亦藏其冊於府成王病有瘳
及成王用事人或譖周公周公奔楚成王發府見周公禱書乃泣
反周公周公歸恐成王壯治有所淫佚乃作多士毋逸以誡成王
成王在豐天下已安周之官政未次序於是周公作周官官別其
宜作立政以便百姓百姓說周公病卒葬于畢

史記魯世家

秦祖字子南鄭元曰秦人

史記仲尼弟子傳○按明一統志謂西安府人

秦有子南贇贇述

作守道之淵成德之博範若鑄金契猶發藥歷世明祀少梁寵爵

宋高宗贊○按聖門人物志末二句作紛華不撓靡我好爵

壤駟赤字子徒鄭元曰秦人

史記仲尼弟子傳○按明一統志謂西安府人

式是壤侯昭乎

聖徒執經請益載道若無詩書規矩問學楷模得時而駕領袖諸

儒

宋高宗贊

燕伋

家語作級

亦字子思秦人夫子適周問禮時從之道成而歸居于汧

河西南山下相傳古名魯家村

三賢集

八九之徒具傳大義賢哉子

思道本無愧鍾靈咸鑄浴德洙泗增封汧源皇澤斯被

宋陳知微贊

師

席高振大成是集道傳一貫速肖七十善教云裒儒風可立漁陽

之士得跂而及

聖門人物志贊

名臣

號仲宮之奇曰號仲號叔王季之穆也爲文王卿士勲在王室藏於

盟府左傳

畢公高與周同姓

史記魏世家

惟公懋德克勤小物弼亮四世正色率下

罔不祇師言嘉績多于先王予小子垂拱仰成

尚書畢命

晉語說文王

之事云重之以周召畢榮則畢公於文王之世已為大臣是文武

成康四世為公卿也

孔疏

榮伯成王既伐東夷肅慎來賀王俾榮伯作賄肅慎之命

尚書序

正義

曰晉語云文王諏於蔡原訪於莘尹重之以周召畢榮榮於文王

之時名次畢公之下是大臣也未知此時榮伯是彼榮公否

孔疏馬

融曰榮伯周同姓畿內諸侯為卿大夫也

史記周本紀註曰按武王亂臣九人自榮公以

下其邑里無考故不濫入

君陳惟爾令德孝恭惟孝友于兄弟克施有政命汝尹茲東郊敬哉

往慎乃司茲率厥常懋昭周公之訓惟民其乂

尚書君陳

成王十一年

王命周平治東都

竹書紀年

周平公即君陳周公之子伯禽之弟

沈約注

祭公謀父昔穆王周行天下必有車轍馬跡焉祭公謀父作祈招之

詩以止王心王是以獲沒於祇宮其詩曰祈招之愔愔式昭德音

思我王度式如玉式如金形民之力而無醉飽之心

左傳

穆王將征

犬戎祭公謀父諫曰不可先王耀德不觀兵夫先王之制甸服者

祭侯服者祀賓服者享要服者貢荒服者王日祭月祀時享歲貢

終王今自大畢伯仕之終也犬戎氏以其職來王天子曰予必以

不享征之且觀之兵無乃廢先王之訓而王幾頓乎王不聽遂征

之

國語

王若曰公不豫公其告予懿德祭公拜手稽首曰天子謀父

疾維不瘳敢告天子汝無以戾

缺

罪疾喪時二王大功汝無以雙

御固莊后汝無以小謀敗大作汝無以嬖御士疾大夫卿士汝無

以家相亂王室而莫恤其外尚皆以時中又萬國嗚呼汝念哉王

拜手稽首黨言

汲冢周書

帝昭曰祭畿內之國周公之後爲王卿士謀

父字也

史記周本紀註

召公厲王虐國人謗王召公告王曰民不堪命矣王怒得衛巫使監

謗者國人莫敢言召公曰是鄭之也防民之口甚於防川川壅而

潰傷人必多民亦如之三年乃流王於彘

國語

厲王太子靜匿召公

之家國人聞之乃圖之召公乃以其子代太子太子竟得脫召公

周公二相行政號曰共和厲王死於彘太子靜長於召公家二相

乃共立爲王是爲宣王宣王即位二相輔之法文武成康之遺風

諸侯復宗周

史記周本紀

宣王元年王即位周定公召穆公帥師伐淮

夷王錫召穆公命

竹書紀年

召公名穆公也名虎

毛詩箋

正義曰經言召

公皆召康公也此云王命召虎是召虎也穆公是康公十六世孫

毛詩

張安世字子孺

湯子杜陵人

少以父任爲郎用善書給事尚書上幸河東

亡書三篋詔問莫能知唯安世識之擢尚書令遷光祿大夫昭帝
即位大將軍霍光秉政以安世篤行白用爲右將軍光祿勳以自
副封富平侯昭帝崩光白太后徙安世爲車騎將軍欲共徵立昌
邑王王湣亂光與安世謀廢王立宣帝宣帝即位益封萬六百戶
子千秋延壽彭祖皆中郎將侍中光薨拜大司馬車騎將軍領尚
書事數月更爲衛將軍兩宮衛尉城門北軍兵屬焉安世職典樞
機以謹慎周密自著外內無間每定大政已決輒移病出聞有詔
令乃驚使吏之丞相府問焉自朝廷大臣莫知其與議也嘗有所
薦其人來謝弗爲通有郎功高不調自言安世絕不許已而郎果
遷其匿名迹遠權勢如此初安世兄賀幸於衛太子太子敗賀下

蠶室後爲掖庭令宣帝以皇曾孫收養掖庭賀內傷太子無辜曾
孫孤幼所以視養拊循恩甚密焉及曾孫壯大賀敎書令受詩爲
取許妃以冢財聘之及宣帝即位賀已死上追思賀恩封其冢置
守冢二百家謚曰哀安世尊爲公侯食邑萬戶然身衣弋綈夫人
自紡績家童皆有手技作事內治產業富於大將軍光元康四年
春病復強起視事薨謚曰敬侯賜塋杜東子延壽歷位九卿既嗣
侯國租入歲千餘萬延壽以身無功德何能久堪先人大國數上
書讓減戶邑又因弟陽都侯彭祖口陳至誠天子以爲有讓迺徙
封薨謚愛侯子勃嗣爲散騎諫大夫元帝詔列侯舉茂材勃舉大
官獻丞陳湯湯有罪勃坐削二百戶後湯立功西域世以勃爲知
人子臨嗣臨亦謙儉薨子放嗣鴻嘉中上與近臣遊宴放以開敏
得幸成帝崩放哭泣而死初安世長子千秋與霍光子禹俱爲中

郎將將兵隨度遼將軍范明友擊烏桓還謁大將軍光問千秋戰
關方畧山川形勢千秋口對兵車畫地成圖光復問禹禹不能記
曰皆有文書光嘆曰霍氏世衰張氏興矣及禹誅滅而安世子孫
相繼爲侍中中常侍諸曹散騎列校尉者凡十餘

漢書張湯傳

杜延年字幼公

周子茂陵人

亦明法律昭帝初立大將軍霍光秉政以延

年補軍司空始元四年益州蠻夷反以校尉將南陽士擊益州還
爲諫大夫上官桀謀爲亂延年以聞桀等伏辜延年本大將軍霍
光吏首發大姦擢爲太僕右曹給事中光持刑罰嚴延年輔之以
寬議論持平和合朝廷見國家承武帝奢侈師旅之後數爲光言
年歲比不登流民不盡還宜修孝文時政示以儉約寬和順天心
說民意年歲宜應光納其言舉賢良議罷酒榷鹽鐵皆自延年發
之昌邑王廢光與大臣議所立時宣帝號皇曾孫延年知曾孫德

美勸光立焉宣帝即位論定策功比朱虛侯劉章封侯益土延年
爲人安和備於諸事久典朝政上任信之居九卿位十餘年賞賜
賂遺訾數千萬光子禹誅延年坐免官後拜北地太守選用良吏
捕擊豪強郡中清淨徙西河太守治甚有名五鳳中徵爲御史大
夫視事三歲以老病乞骸骨賜安車駟馬罷就第數月薨諡敬侯
子緩嗣緩少爲郎本始中以校尉從蒲類將軍擊匈奴還爲諫大
夫遷上谷都尉鴈門太守父延年薨徵視喪事拜爲太常治諸陵
縣每冬月封具獄日常去酒省食官屬稱其有恩元帝初即位穀
貴民流永光中西羌反緩輒上書入錢穀助用前後數百萬緩少
弟熊歷五郡二千石三州牧刺史有能名

漢書杜周傳

魏相字弱翁定陶人徙平陵少學易舉賢良以對策高第爲茂陵令
頃之御史大夫桑弘羊客詐稱御史止傳丞不以時謁客怒縛丞